

德化縣志卷第一

知德化縣事

高植原輯  
沈錫三補輯

鄒文炳再輯  
陳堯續輯

地理志

星野

天垂象有有定者有無定者旦昏中星稽之南方  
自堯時至春秋已偏東幾度自春秋至宋又偏東  
幾度自宋至今當益東已歲差之法細入毫渺歷  
時而移此其無定者也若二十八宿為天體各占  
度數或多至二十四五度或少至一二度九州分

德化縣志

卷一

地理 星野

野各有所屬察災祥占休咎星官歷翁以是攷驗  
往往而應此其有定者已德化為禹貢揚州西境  
在天文均入斗度斗分度不齊或云斗一度或云  
斗七度或云斗二十一度諸家之說未知孰是是  
有定轉為無定也雖然人事得失天象見焉縱在  
殊方亦當共儆况均此斗度則修省無彼此也志  
星野

星野圖



漢天文志斗江湖牽牛婺女揚州後漢書斗建在子今吳越分野蔡邕月令章斗六度至須女七度爲星紀大雪冬至居之吳越分野地理志吳地分九江豫章屬焉晉志則自南斗十二度至須女七度爲星紀於辰在丑國

德化縣志 卷一 地理 星野

則吳楚州則維揚又析斗女分豫章入斗十度九江入斗一度今考劉基分野細數九江南康廣信三府俱屬斗二十度而入斗一度者乃江甯揚州二府並存之以俟知推步者

天文書斗六星二十五度初主吳次主會稽次主廬江次主豫章次主丹陽次主九江

魏太史令陳卓論郡國所入宿度斗牽牛吳越揚州九江入斗一度廬江入斗六度豫章入斗十度

一統志九江府天文斗牛分野